

寒
山
詩
集

寒山子詩集目錄

提要.....	一
原序.....	三
寒山詩集.....	七
附錄	
豐干詩.....	二八
拾得詩.....	二八

欽定四庫全書

嘉祥
寒山詩集

撰校官左都御史李駿
檢討臣何思鈞覆勘

總校官知縣臣蔣琪
校對官學正臣陳木
謄錄監生臣張文伯

欽定四庫全書

集部二

寒山子詩集

別集類一唐

提要

欽定四庫全書

寒山子詩集

臣等謹案寒山子詩集二卷案寒山子貞觀中天台廣興縣僧居於寒巖時還往國清寺豐干拾得則皆國清守寺僧世傳台州刺史閻邱允遇三僧事跡甚怪蓋莫得而考證也其詩相傳即先令寺僧道翹尋寒平日於竹木石壁上及人家廳壁所書得三百餘首又取拾得土地堂壁上所書偈言並集成卷豐干則僅存房中壁上詩二首允自為之序宋時又名三隱集見淳熙五十六年沙門道南所作記中唐書藝文志載寒山詩入釋家類作七卷今本併為一卷以拾得豐干詩別為一卷附之則民新安吳明春所校刻也王士禎居易錄云寒山詩詩家每稱其鸛鵲花

間弄琵琶月下彈長歌三月響短舞萬人看
謂其有唐調 集此明江盈科雪海評語士被
有唐調蓋偶未考其 其詩有工語有率語有
時代雖附訂如此 莊語有詩語至云不煩鄭氏箋豈待毛公解
又似儒生語大抵佛語菩薩語也令觀所作
皆信手拈弄金作禪門偈語不可復以詩格
繩之而機趣橫溢多足以資勸戒且專集侍
自唐時行世已久今仍著之於錄以釋氏文
字之一種焉又集太平廣記引仙傳拾遺曰
寒山子者不知其名氏大厯中隱居天台屏
屏山其山深邃當暑有雪亦名寒巖因自號
寒山子好為詩每得一篇一句輒題於樹間
石上有好事者從而錄之凡三百餘篇多述
山林幽隱之興或譏諷時態能警勵流俗桐
栢徵君徐靈府府而集之分為三卷行於人
間云云則寒山子又為中唐仙人與間邱允

事又異無從深考姑就文論文可矣乾隆四
十六年三月恭校上

總纂官 臣 紀昀 臣 陸錫熊 臣 孫士毅
總校官 臣 陸費墀

寒山詩集原序

朝議大夫使持節台州諸軍事守刺史上柱國賜鮮
魚袋閻丘瓚撰

詳夫寒山子者不知何許人也自古老見之皆謂貧人
風狂之士隱居天台唐興縣西七十里號為寒巖每於
茲地時還國清寺寺有拾得知食常尋常收貯餘蔬菜
渾於竹筒內寒山若來即負而去或長廊徐行叫喚快
活獨言獨笑時僧遂駭罵打趣乃駐立撫掌呵呵大笑
欽定四庫全書

寒山詩集

良久而去且狀如貧子形貌枯悴一言一氣理合其意
沉而思之隱況道情凡所啟言洞該玄嘿乃樗皮為冠
布裘破弊木屐履地是故至人迹跡同類化物或長廊
唱咏唯言咄咄哉三界輪迴或於村墅與牧牛子而
歌笑或逆或順自樂其性非哲者豈可識之矣唐頃受
丹丘簿官臨途之日乃紫頭痛遂召醫治轉重乃遇一
禪師名豐干言從天台山國清寺來特此相訪乃命故
疾師乃舒容而笑曰身居四大病從幻生若欲除之應

須淨水時乃持淨水上師師乃嘆之須臾袂珍乃謂唐

曰台州海島巖寺到日必須保菰膚乃問曰未嘗彼地
當有何賢堪為師仰師曰見之不識識之不見若欲見
之不得取相乃可見之寒山文殊迹跡國清拾得普賢
狀如貧子又似風狂或去或來在國清寺庫院走使厨
中著火言訖辭去膚乃進途至任台州不忘其事到任
三日後親往寺院躬問禪宿果合師言乃令勘唐興縣
有寒山拾得是否時縣中稱當縣界西七十里內有一

欽定四庫全書

寒山詩集

巖巖中古老見有貧士頻往國清寺止宿寺庫中有一
行者名曰拾得膚乃特往禮拜到國清寺乃問寺衆此
寺先有豐干禪師院在何處并拾得寒山子見在何處
時僧道昶答曰豐干禪師院在經藏後即今無人住得
每有一虎時來此吼寒山拾得二人見在厨中僧引膚
至豐干禪師院乃開房唯見虎跡乃問僧寶德道昶禪
師在日有何行業僧曰豐干在日惟攻春米供養夜乃
唱歌自樂遂至厨中窺前見二人向火大笑膚便禮拜

二人連聲喝膚自相把手呵呵大笑叫喚乃云豐干饒古饒舌彌陀不識禮我何為僧徒奔集遽相驚訝何故尊官禮二貧士時二人把手走出寺乃令逐之急走而去即歸寒巖庵乃重問僧曰此二人宜止此寺否乃令覓訪喚歸寺安置庵乃歸郡遂製淨衣二對香藥等特送供養時二人更不返寺使乃就巖送上而見寒山子乃高聲喝曰賊賊退入巖穴乃云報汝諸人各各努力入穴而去其穴自合莫可追之其拾得跡沉無所乃令僧道翹尋其往日行狀唯於竹木石壁書詩并村墅人家巖壁上所書文句三百餘首及拾得於土地堂壁上書言偈并纂集成卷膚棲心佛理素逢道人乃為讚曰菩薩迹跡示同貧士獨居寒山自樂其意觀悴形枯布裘弊止出言成章諦實至理凡人不測謂風狂子時來天台入國清寺徐步長廊呵呵撫指或走或立喃喃獨語所食厨中殘飯菜滓吟傷悲哀僧俗咄嗟都不動搖時人自恥作用自在凡愚難值即出一言頓祛塵累是

故國清圓寓儀軌永劫供養長為弟子昔居寒山時來茲地稽首文殊寒山之士南無普賢拾得定是聊中讚歎願超生死
寒山詩集天台國清禪寺三隱集記
豐干禪師唐貞觀初居天台國清寺剪髮齊眉衣布裘人或問佛理止答隨時二字常唱道乘虎出入衆僧驚畏無誰語有寒山子拾得者亦不知其氏族時謂風狂子獨與師相親寒居止唐興縣西七十里寒巖以是得名拾因師至赤城道側聞兒啼聲問之云孤棄於此乃名拾得攜至寺付庫院後庫僧靈燭令知食堂香燈忽登坐與佛像對盤而餐復於聖僧前呼曰小果燭告尊宿等易令厨內滌器常日齋畢澄濾殘食菜滓以筒盛之寒來即負之而去寒客貌枯悴布襦零落以糲皮為冠曳大木屐時至寺或廊下徐行或厨內執爨或混處童牧或時叫噪望空樓罵或云咄哉咄哉三界輪迴僧以杖逼逐即撫掌大笑一日問師古鏡不磨如何照燭

曰冰壺無影像猿猴探水月曰此是不照燭也更請師
道曰萬德不將來教我道什麼寒拾俱作禮師謂寒曰
汝與我遊五臺即我同流若不與我去非我同流曰我
不去師曰汝不是我同流寒問汝去五臺作什麼曰我
去禮文殊曰汝不是我同流師尋獨入五臺逢一老翁
問其是文殊否曰宜有二文殊及作禮忽不見後回天
台而化寒因衆僧炙茹以茹串打僧背一下僧回首寒
持串云是什麼僧云這風顛漢寒示傍僧曰你道這箇
欽定四庫全書

五

師僧費却多少鹽醬趙州到天台行見牛迹寒曰上坐
還識牛麼此是五百羅漢遊山州曰既是羅漢為什麼
作牛去寒曰蒼天蒼天州呵呵大笑寒曰笑作什麼州
曰蒼天蒼天寒曰這小厮兒却有大人之作滿山來寺
受戒與拾往松門夾道作虎吼三聲滿無對寒曰自從
靈山一別迨至於今還相記麼滿亦無對拾拈拄杖曰
老兄喚這箇作什麼滿又無對寒曰休休不用問它自
從別後已三生作國王來總忘却也拾掃地寺主問姓

箇什麼住在何處拾置帚叉手而立主問測寒捷曾曰
蒼天蒼天拾問汝作什麼寒曰豈不見道東家人死西
家助哀因作舞筭哭而出又於庄舍牧牛歌咏叫天曰
我有一珠埋在陰中無人別者衆僧說戒拾驅牛至倚
門撫掌微笑曰悠悠哉聚頭作相這箇如何僧怒呵云
下人風狂破我說戒拾笑曰無瞋即是戒心淨即出家
我性與汝合一切法無差驢牛出乃呼前世僧名牛即
應聲而過復曰前生不持戒人面而畜心汝今拾此咎

六

怨恨於何人佛力雖然大汝事於佛恩護伽藍神僧厨
下食每每為鳥所耗拾杖扶之曰汝食不能護安能護
伽藍乎神附夢子合寺僧曰拾得打我語且說夢一一
無差視神像果有所損驚異縣中郡縣郡謂賢士遜跡
菩薩應身號拾得賢士初間丘將牧丹丘頭疾醫其
能愈遇禪師名豐干言自天台來謁使君告之病師曰
身居四大病從幻生若欲除之應須淨水索罷咒水咽
之立愈聞丘異之乞言示此去安危之兆師曰記揭文

殊善賢此二菩薩見之不識識之不見若欲見之不得
取相國清寺執藥滌器寒山拾得是也閻丘到任三日
至國清問此寺有豐干禪師否寒山拾得復是何人僧
道翹對曰豐干舊址在經藏後今閑無人矣寒山拾得
尚處僧厨閻丘入師房止見虎迹復問在此作何行業
翹曰唯事負春供僧閒則諷詠入厨尋訪寒拾見於寢
前向火拊掌大笑閻丘致拜二人連聲呵叱執手復大
笑曰豐干饒舌饒舌彌陀不識禮我何為相攜出松門
自此不復入寺閻丘歸郡送淨衣香藥到巖寒高聲喝
曰賊賊遂入巖石縫中且曰報汝諸人各各努力石縫
忽合復有僧採薪南峰距寺東南二里過一梵僧持錫
入巖挑鑽子骨曰取寒拾舍利乃知入滅于此因就巖
為寒巖閻丘俾道翹尋訪遺跡於竹木石壁覩寒所書
辭頌及村墅人家見豐干并拾亦有詩數十首題石壁
間云按舊序二人呵叱自執手大笑閻丘歸郡遺送衣
藥與夫挑鑽子骨等語乃知寒山不執閻丘手閻丘未

嘗至寒巖拾得亦出寺門二里許入滅今傳所錄誤矣
國策及此以俟百世君子淳熙十六年歲次己酉春十
有九日住山烏穴沙門志南謹記

欽定四庫全書

寒山詩集

重巖我居鳥道絕人跡庭際何所有白雲抱幽石住
茲凡幾年屢見春冬易寄語鍾鼎家虛名定何益
山中何太冷自古非今年沓嶂常凝雪幽林每吐煙草
生芒種後葉落立秋前此有沈迷客窺窺不見天
巖前獨靜坐圓月當天耀萬象影現中一輪本無照廓
然神目清含虛洞玄妙因指見其月月是心樞要

欽定四庫全書

寒山詩集

吾家好隱淪居處絕羣塵踐草成三徑瞻雲作四鄰助
歌聲有鳥問法語無人今日娑婆樹幾年為一春
琴書須自隨祿位用何為投簪從賢婦巾車有孝兒風
吹曝麥地水溫沃魚池常念鷓鴣鳥安身在一枝
弟兄同五郡父子本三州欲驗飛鳬集須徵白兔遊靈
瓜夢裏受神橋座中收鄉國何追遯同魚寄水流
鷓鴣宅西園虞羅捕得歸美人朝夕弄出入在庭幃賜
以金籠貯局裁損羽衣不如鴻與鷓鴣颺颺入雲飛

欽定四庫全書

寒山詩集

父母續經多田園不羨他婦搖機軋兒弄口噉囁拍
手催花舞擗頤聽鳥歌誰當來歎賀樵客屢經過
家住綠巖下庭蕪更不支新藤垂綠繞古石堅巉巖山
菓獨猴摘池魚白鷺銜仙書一兩卷樹下讀喃喃
歲去換愁年春來物色鮮山花笑綠水巖樹舞青煙蜂
蝶自云樂禽魚更可憐朋遊情未已徹曉不能眠
茅棟野人居門前車馬踈林幽偏聚鳥溪關本藏魚山
菓攜兒摘果田共婦鋤家中何所有唯有一牀書

欽定四庫全書

登陟寒山道寒山路不窮溪長石磊磊澗澗草濛濛苔
滑非關雨松鳴不假風誰能超世慮共坐白雲中
六極常嬰困九維徒自論有才遺草澤無藝閉蓬門日
上巖猶暗煙消谷尚昏其中長者子箇箇總無魂
璨璨盧家女舊來名莫愁貪菓摘花馬樂傍採蓮舟膝
坐綠熊席身披青鳳裘哀傷百年內不免歸山丘
獨卧重巖下蒼雲晝不消室中雖暇曠心裏絕喧囂夢
去遊金闕魂歸度石橋拋除闌我者歷歷樹間瓢

春女街容儀花將南陌隨看花愁日晚隱樹怕風吹年
少從傍來白馬黃金爵何須久相弄兒家夫婿知
摩女戲夕陽風來滿路香綴裙金蛛蝶拂玉駕鸞
婢紅羅幃闌奴紫錦裳為觀失道者紫白心惶惶
卜擇幽居地天台更其言後啼路露冷鐵色草門連竹
葉覆松室開池引澗泉已甘休萬事採薇度殘年
徒勞說三史浪自看五經泊老檢黃籍依然注白丁筌
遭連塞卦生主虛危星不及河邊樹年年一度青

欽定四庫全書

陝山詩集

三

止宿鴛鴦鳥一雄魚一雌銜花相共食刷羽每相隨戲
入煙霄裏宿歸沙岸渚自憐生樂處不奪鳳凰池
畫棟非吾宅青林是我家一生俄爾過萬事莫言賒濟
波不造筏漂淪為採花善根今未種何日見生芽
吁嗟貧復病為人絕友親裏裏長無飯觀中屢生塵蓬
庵不免兩漏榻方容身莫怪今顛顛多愁定損人
以我棲遲處幽深難可論無風籬自動不露竹長昏澗
水緣誰咽山雲忽自屯午時庵內坐始覺日頭暈

去年春鳥鳴此時思弟兄今年秋菊爛此時思舊集綠
水千腸咽黃雲四面平哀哉百年內腸斷憶咸京
徒聞蓬門坐頻經歲月還唯聞人作鬼不見鶴成仙念
此那堪說隨緣須自憐迴看郭外古墓塋為田
自在白雲間從來非買山下危須策杖上險捉藤攀澗
畔松常翠路邊石自斑友朋雖阻絕春至鳥關關
自樂平生道煙蘿石洞間野情多放曠長伴白雲閒有
路不通世無心孰可攀石牀孤夜坐圓月上寒山

欽定四庫全書

陝山詩集

四

時人尋雲路雲路杳無蹤山高多峻峻澗澗少玲瓏碧
嶂前兼後白雲西復東欲知雲路處雲路在虛空
今日巖前坐坐久煙雲收一道清谿冷千尋碧澗頭白
雲朝影靜明月夜光浮身上無塵垢心中那更憂
寒山唯白雲寂寂絕埃塵草廬山家有孤燈明月輪石
牀臨碧沼虎鹿每為鄰自羨幽居樂長為象外人
可笑寒山道而無車馬蹤聯聯難記曲疊嶂不知重注
露千般草吟風一樣松此時迷徑處形問影何從

欲得安身處寒山可長保微風吹幽松近聽聲愈好下有斑白人喃喃讀黃老十年歸不得忘却來時道

人問寒山道寒山路不通夏天水未釋日出霧朦朧似我何由屆與君心不同君心若似我還得到其中

驅馬度荒城荒城重客情高低舊雉堞大小古墳塋自振孤蓬影長凝拱木聲所嗟皆俗骨仙史更無名

玉堂掛珠簾中有嬋娟子其貌勝神仙容華若桃李東家春露含西舍秋風起更過三十年還成甘蔗滓

欽定四庫全書

寒山詩集

五

四時無止息年去又年來萬物有代謝九天無朽摧東

明又西暗花落復花開唯有黃泉客冥冥去不迴有一餐霞子其居諱俗遊論時實蕭真在夏亦如秋幽

潤常濕濕高松風颼颼其中半日坐忘却百年愁妻家却鄣住歌聲亦抑揚賴我安隱處此曲舊來長既

醉莫言歸留連日未央兒家寢宿處繡被滿銀牀快榜三翼舟善乘千里馬莫能造我家謂言最幽野巖

穴深嶂中雲雷竟日下自非孔丘公無能相救者

白雲高崕峨綠水蕩潭波此處聞漁父時時鼓棹歌聲不可聽令我愁思多誰謂雀無角其如穿屋何

極目兮長望白雲四茫茫鴟鵂飽腹腰高鳳儀傍隳隳馬放石磧塞驢能至堂天高不可問鶴鷯在滄浪

默默永無言後生何所述隱居在林藪智境何由出枯槁非堅衡風霜成天疾土牛耕石田未有得稻日

山客心悄悄常嗟歲序遷辛勤采芝術搜斥詎成仙庭廓雲初卷林明月正圓不歸何所為桂樹相留連

欽定四庫全書

寒山詩集

六

白拂旃檀柄馨香竟日聞柔和如卷霧搖曳似行雲禮

奉宜當暑高提復祛塵時時方丈內將用指迷人層層山水香煙霞鎖翠微嵐拂紗巾濕露雲葉草衣足

躡遊方履手執古藤枝更觀塵世外夢境復何為回家避暑月斗酒共誰散雜雜排山菓疎疎圍酒壺

簾背將代席蕉葉且充盤醉後摘頭坐須彌小彈丸香香寒山道落冷澗瀆嗽嗽常有鳥寂寂更無人漸

漸風吹面紛紛雪積身朝朝不見日歲歲不知春

聞道愁難遣斯言謂不真昨朝始起却今日又纏月
盡愁難盡年新愁更新誰知席帽下元是昔愁人
三月蟄猶小女人來採花隔牆弄蝴蝶臨水擲蝦蟆羅
袖試梅子金籠挑筍芽關論爭物色此地是余家
駟馬珊瑚鞭驅馳洛陽道自憐美少年不信有衰老白
髮會應生紅顏豈長保但看北邙山箇是蓬萊島
相喚采芙蓉可憐清江裏遊戲不覺暮屢見狂風起浪
捧鴛鴦兒波搖鷓鴣子此時居舟楫浩蕩情無已

欽定四庫全書

寒山詩集

七

垂柳暗如煙飛花飄似霞夫居離婦州婦住思夫縣各
在天一涯何時復相見寄語明月樓莫貯雙飛燕
出生三十年常遊千萬里行江青草合入塞紅塵起鍊
藥空求仙讀書兼詠史今日歸寒山枕流兼洗耳
鳥弄情不堪其時卧草巷櫻桃紅燦燦楊柳正飈飈旭
日含青嶂晴雲洗綠潭誰知出塵俗馭上寒山南
昨日何悠悠場中可憐許上為桃李徑下作蘭蓀清復
有綺羅人含中翠毛羽相逢欲相喚脉脉不能語

我見世間人茫茫走路塵不知此中事將何為去津梁
華能幾日暮屬片時親縱有千斤金不如林下貧
東志不可卷須知我匪席浪迹山林中獨卧盤陀石辨
士來勸余速令受金璧壑壙植蓬蒿若此非有筮
憶昔過逢處人間遂勝遊樂山登萬仞愛水汎千舟送
客琵琶谷攜琴鸚鵡洲焉知松樹下抱膝冷颼颼
昨見河邊樹摧殘不可論二三餘藥卉千萬斧斤痕霜
剝蒼黃葉波銜枯朽根生處當如此何用怨乾坤

欽定四庫全書

寒山詩集

八

自見天台頂孤高出衆羣風搖松竹韻月現海潮頻下
望青山際談玄有白雲野情便山水本志慕道倫
寒山樓隱處絕得誰人過時逢林內鳥相共唱山歌瑞
草聯谿谷老松枕嵯峨可觀無事客憩歇在巖阿
迎臂霄漢外雲裏路峯先瀑布千文流如鋪練一條下
有棲心窟橫安定命橋雄鎮世界天白名獨超
盤陀石上坐點澗冷淒淒靜耽偏喜虎鹿麋蒙霧迷怡
然憩欲處日斜樹影低我自觀心地蓮花出淤泥

隱士遁人間多向山中眠青猿疎麓蒼碧洞響聯聯騰
騰且安樂悠悠自清閒免有染世事心淨如白蓮
寒巖深更好無人行此道白雲高山間青嶂孤猿嘯我
更何所親暢志自宜老形容寒暑遷心珠玉可保
本志慕道倫道倫常獲親時逢社源客每接話禪賓故
玄月明夜探理日臨晨萬機俱泯迹方識本來人
高嵩峯頂上四顧極無邊獨坐無人知孤月照寒泉泉
中本無月月自在青天吟此一曲歌歌中不是禪

欽定四庫全書

卷之九

九

花上黃鸝子聞關聲可憐美人顏似玉對此弄鳴絃詠
之能不足落應在韶年花飛鳥亦散濃淚春風前
智者君拋我愚者我拋君非愚亦非智從此離相間入
夜歌明月侵晨舞白雲萬能住口手端坐鬢紛紛
憤居幽隱處乍向國清中時訪聖于老仍來看拾公獨
回上寒巖無人話合同尋究無源水源窮水不窮
尋思少年日游獵向平陵國使職非願神仙未足稱聯
翩騎白馬鳴鳧放蒼鷹不覺今流落暗暗誰見矜

偃息深林下從生是農夫立身既質直出語無詭譎保
我不鑿鑿信君方得珠馬能因泛灝極日波上鳬
浪造凌霄閣虛登百尺樓養生仍天命誦讀拒封侯不
用從黃口何須厭白頭未能端似箭且莫曲如鉤
獨坐常忽忽情懷何悠悠山腰雲漫漫谷口風颼颼
來樹嫋嫋鳥入林啾啾時推簪飄飄歲暮老惆悵
寒山多幽奇登者皆怛怛月照水澄澄風吹草獵獵獨
梅雪作花机木雲充葉觸雨轉仙靈非晴不可涉

欽定四庫全書

卷之十

十

不見朝垂露日燥自消除人身亦如此闊浮是寄居悵
莫因循過且令三毒祛菩薩即煩惱盡令無有餘
自古多少聖叮嚀教自信人根性不等高下有利鈍真
佛不肯認置力枉受困不知清淨心便是法王印
我聞天台山山中有琪樹永言欲攀上其鏡石橋路緣
此生悲歎幸居將已暮今日觀鏡中飄飄鬢垂素
路諸仁者復以何為懷遠道見自性自性即如來天
真元具足修證轉差地素本却還來只守一場歎

有鳥五色文棲桐食竹實徐動合和儀鳴中施禮律昨
來何以至為吾暫時出儻聞腔歌聲作舞欣今日

何以長惆悵人生似朝菌那堪數十年新舊凋零盡以
此思自哀哀情不可忍奈何當奈何脫體歸山隱

五嶽俱成粉須彌一寸山大海一滴水吸入其心田生
長菩提子偏蓋天中天語汝慕道者慎莫繞十纏

平野水寬濶丹丘連四明仙都最高秀摩崖借翠屏遠
達望何極硯硯勢相迎獨標海隅外處處播嘉名

欽定四庫全書

卷一百一十五

十一

千雲萬水間中有一閒士白日遊青山夜歸巖下膳條

爾過春秋寂然無塵累快哉何所依靜若秋江水

鹿生深林中飲水而食草伸脚樹下眠可憐無煩惱繫

之在華堂儲儲極肥好終日不肯嘗形容轉枯槁

莊子說送死天地為棺槨吾歸此有時唯須一幅箔死

將饒青蠅吊不勞白鶴餞著首陽山生廉死亦樂

天生百尺樹剪作長條木可惜棟梁材拋之在幽谷年

多心尚勁日久皮漸禿識者取將來猶堪挂馬屋

手筆太縱橫身材極魁偉生為有限身死作無名鬼自
如此多君今爭奈何可來白雲裏教你紫芝歌

兩龜乘憤車墓出路頭戲一藝從旁來苦死欲求寄不
載矣人情始載載被沉累彈指不可論行思却遭刺

富兒多缺掌觸事難祇承倉米已罄赤不貸人斗升轉
懷鉤距意買絹先揀綾若至臨終日弔客有蒼蠅

白鶴銜苦花千里作一息欲往蓬萊山將此充糧食未
達毛摧落離羣心慘惻却歸舊來巢妻子不相識

欽定四庫全書

卷一百一十五

十一

夫物有所用之各有宜用之若失所一缺復一虧圓

鑿而方枘哀哉空爾為驕驕將捕鼠不及跛猫兒

誰人長不死死事舊來均始憶八尺漢俄成一聚塵黃

泉無晚日青草有時春行到傷心處松風愁殺人

一向寒山坐海留三十年昨來訪親友大半入黃泉漸

減如殘燭長流似逝川今朝對孤影不覺淚雙懸

可憐好丈夫身體極強健春秋未三十才藝百般能金

羅逐俠客玉俱集良朋唯有一般惡不傳無盡燈

桃花欲經夏風月催不待訪覓漢時人能無一箇在朝
朝花遶落歲歲人移改今日揚塵處昔時為大海
洛陽多女兒春日逞華靡共折路旁花各持挿高髻
高花匝匝人見皆睥睨別來醜陋將歸見夫婿
浩浩黃河水東流長不息悠悠不見清人人膏有極苟
欲乘白雲曷由生羽翼唯當暫時行住須努力
去家一萬里提劍擊匈奴得利渠即死失利汝即渠
命既不惜汝命有何辜教爾百勝術不貪為上謀

欽定四庫全書

卷一百一十五

七

惡趣甚茫茫冥冥無日光人間八百歲未抵半宵長此
等諸癡子論情甚可傷勸君求出離認取法中王
天高高不窮地厚厚無極動物在其中憑茲造化力爭
頭覓飽暖作計相啖食因果都未詳育兒問乳色
賢士不貪甚癡人好鑪冶麥地占他家竹園皆我者努
膊覓錢財切齒驅奴馬須看郭門外豈量松栢下
有人把椿樹喚作白旃檀學道多沙數幾箇得泥丸棄
金却擔草護他亦自誤似聚沙一處成團也大難

慕沙擬作飯臨渴始掘井用力磨碌碌那堪將作饒佛
說原平等總有真如性但自審思量不用問多覓
或有街行人才藝過周孔見龜頭兀兀看時身個個
索未肯行錐刺猶不動恰似羊公鶴可憐生懂懂
書判全非弱嫌身不得官銓曾被拗折洗垢覓瘡癰必
也關天命今年更試看盲兒射雀目偶中亦非難
吁嗟濁蘆處羣刺共賢人謂是荒流類焉知道不親狹
假獅子勢詐妄却稱真鉛礪入鑪冶方知金不精

欽定四庫全書

卷一百一十五

七

富貴親疎聚只為多錢米貧賤骨肉離非關少兄弟急
須歸去來招賢閣未啟浪行朱雀街踏破皮鞋底
新穀尚未熟舊穀今已無就貸一斗許門外立踟躕夫
出教問婦婦出遣問夫慳惜不救乏財多為累惡
大有好策事畧陳三五箇張公富奪華蓋子貧軀軻只
取係儒飽不憐方朔餓已歌唱者多白雲無人和
雍容美少年博覽諸經史畫說曰先生皆稱為學士未
能得官職不解東來稻冬披破衣衫蓋是書誤已

昨夜夢還鄉見婦機中織駐梭若有思攀梭似無力呼
之回面視况復不相識應是別多年鬢毛非舊色
人生不滿百常懷千載憂自身病始可又為子孫愁下
視禾根土上看桑樹頭科槌落東海到底始知休
董郎年少時出入帝京裏衫作嫩黃客儀畫相似常
騎踏雪馬拂拂紅塵起觀者滿路旁箇是誰家子
箇是誰家子為人大被憎癡心常憤憤肉眼醉瞢瞢見
佛不禮佛逢僧不施僧唯知打大齋除此百無能

欽定四庫全書

寒山詩集

五

自有慳惜人我非慳惜草衣單為舞穿酒盡緣歌醉常
取一腹飽莫令兩脚僵蓬蒿錯認此日君應悔
出身既擾擾世事非一狀未能捨流俗所以相追訪昨
弔徐五死今送劉三荳日不得閒為此心悽愴
有樂且須樂時哉不可失雖云一百年宜滿三萬日寄
世是須史論錢莫狀啣孝經末後篇委曲陳情畢
有人畏白首不肯舍朱版採藥空求仙根苗亂挑掘數
年無效驗痴意瞋佛勢獵師披袈裟元非汝使物

昔時可可貧今日最貧凍作事不諧和觸途成慙慙行
泥屢脚底坐社頻腹痛失却斑貓兒老鼠圓飯裏
精神殊爽與形貌極堂能射穿七札讀書覽五行經
眠虎頭枕苦坐象牙牀若無阿堵物不啻冷如霜
客欺寒山子君詩無道理吾觀乎古人貧賤不為恥應
之笈此言談何疎濶矣願君似今日錢是急事爾
一瓶鑄金成一瓶挺泥出二瓶任君看那箇瓶牢實欲
知瓶有二須知紫非一將此驗生因修行在今日

欽定四庫全書

寒山詩集

六

憐底東生病餐膏略不厭蒸豚搥蒜醬炙鴨點椒鹽去
骨鮮魚膾魚皮熟肉燂不知他命苦只取自家甜
我見殺人漢如藍盛水走一氣將歸家籃裏何曾有我
見被人謾一似園中韭日日被人傷天生還自有
養子不經師不及都亭鼠何曾見好人豈聞長者語為
染在黃蘗應須擇朋侶五月販鮮魚莫教人笑汝
死生原有命富貴本在天此是古人語吾今非謬傳聽
明好短命癡騃却長年鈍物豐財實慳慳漢無錢

國以人為本猶如樹因地厚樹扶疎地薄樹顛顛不得露其根枝枯子先墜決敗以取魚是求一期利如許多寶貝海中乘壞棚前頭失却桅後面又無桅兒轉任風吹高低隨浪簸如何得到岸努力莫端坐人生在塵蒙恰似盤中蟲終日行遠遠不離其盆中神仙不可比煩惱計無窮歲月如流水須臾作老翁傳語諸公子聽說石齋奴僕僕八百人水碓三千區舍下養魚鳥樓上吹笙竽伸頭臨白刃癡心為綠珠

欽定四庫全書

卷之五

五

我見黃河水凡經幾度清水流如急箭人世若浮萍癡屬根本業無明煩惱坑輪迴幾許却只為迷迷盲二儀既開闢人乃居其中迷汝即吐霧醒汝即吹風惜汝即富貴奪汝即貧窮碌碌庸漢子萬事由天公無衣自訪覓莫共狐裘裘無食自採取莫共羊謀羞借皮兼借肉慷慨復懷愁皆緣義失所求食常不周寄語食肉漢食時無退避今生過去種未來今日修只取今日美不覺來生憂老鬼入飯甕難飽難出頭

嘗聞漢武帝爰及秦始皇俱好神仙術延年竟不長金臺既摧折沙丘遂滅亡茂陵與驪嶽今日草茫茫君看紫裏花能得幾時好今日是人舉明朝待誰掃可憐嬌艷情年多轉成老將世比於花紅顏豈長保縱你居犀角饒君帶虎睛桃枝折作簪絲數段為環暖腹茶更酒空心枸杞羹終歸不免死浪自覓長生俊傑馬上郎揮鞭指綠楊謂言無死日終不作梯航四運花自好一朝成萎黃醍醐與石蜜至死不能嘗

欽定四庫全書

卷之六

六

一為書劍客三遇聖明君東守文不賞西征武不勲學文慕學武學武慕學文今日既老矣餘生不足云少年何所愁愁見鬚毛白白更何所愁愁見日逼迫移向東岱居配守北切宅何忍出此言此言傷老客竟日長如醉流年不暫停埋着蓬蒿下晚日何冥冥骨肉消散魂幾圓零遠其酸鐵口無因讀老經乘齒朽木船採彼紅菱子行至大海中波濤復不止唯齋一宿糧去岸三千里煩惱從何生愁哉綠苔起